



12/2001

ISSN 0234-6818

Ақ Жемделік

Балалар мен жасөспірмдердің республикалық журналы

Пәннелік 10 жыл

Еліміздің ертегені,
Әмірдің жас өркені,
Құттықтайтың сендерді,
Баршаның "Ақ, жемкені"!



Kүн ұзаққа Саят неше мәрте оқталып, неше мәрте сұраудың сәті түспеген сұрағын қойды:

– Жемісбек?

– Әу.

– Осы, мына көлді “Инженер көлі” деп неге атаған? Түсінбей-ақ қойдым. Бұл жерде не тау жок, алтын-күміс шығатын. Не көмір жок, қазып алып жатқан. Сонда деймін-ау, қалайша “Инженер көлі” аталып жүр.

– Немене, Саят, сеніңше біздің Сарыесікте қазба байлық болмауы керек пе? Көмір шықласа шықтай-ақ қойсын. Ал, мына атыраптың асты тұнған мұнай көрінеді. Со-нау-у-у Ілден бастап Қаратал, Лепсіге

Жанат ЕЛШІБЕК



(Жалғасы. Басы өткен санда)

ұласып, жүздеген шақырым жерді алып жатыр дейді инженер-геологтар. Осы өнірді қатарынан бірнеше жыл бойы геологтар экспедициясы зерттегенін жақсы білемін. Тіпті, бертінгө дейін жаз бойы вертолеттер мен брезентті мәшинелер керуені біздің ауылдың маңында жата-жастана зерттеулер жүргізген. Оны өзінің Серікбол көкенде жақсы біледі.

– Иә, қалада жүргендеге әңгімесінің арасында “Біз Инженер көліне” барғанда деп отыратыны есіме енді түсті, – деген Саят шешіле сөйлеген Жемісбектің әңгімесін бұзып.

– “Мұнайдың мол қоры бар екен. Бірақ оны игеруді келешек көрсетеді. Біздікі анықтап, зерттеуғана дейді ғой әлгі менің геолог орыс танысым...”

Отарбай атасынан естіген сөзін, қаз-қалпында көлденен тартқан Сәкен де ағасын қоштап қойды.

– Ә-нә, көрдің бе? Мына Балқа-

шыңдың жағалауы, тіпті астына дейін тұтас мұнай теңізі бол жүргесін. Бастауышта оқып жүргенімізде Алматыдан келген геолог-инженерлер ұңғылаған “Сегізінші марттағы”, Арқабайдағы, Кілтбайдың тубіндегі бұргылауын сенің Серікбол көкен, Тілеу, Ағдан ағамыз бар, бәріміз талай рет тамашалағанбыз. Сондағы бұргы-ұңғылардан бірнеше күн бойы үздіксіз атқылаған көкпенбек tottiajын бұлағын көрсөн, шіркін! Тұп-тура шыны дерсіз. Мөп-мөлдір, әрі сұйық. Оның не екенін білмеймін...

– Мүмкін, қазба байлықтың басқа түрі шығар.

– Әбден мүмкін. Біз қайдан білейік.

– Иә, о жағын ешкім ашып айт-

– Улken кісілер қызық, әйтесін. Шалбар кимегенде қайтеді. Оның үстінен инженер болса...

– Соны айтам да. Шалбарында нең бар деп талай рет үрістім апама. Бірақ, о кісі елеуші ме еді.

– Тыныш отыр, өзі иманжүзді бала сияқты. Келін ғып алып қалсам ба? – дейді үнемі. Бұл ойынан артынша тез айниды. “Шалбарын тастамайды, әрі шүлдірлеп бір ауыз қазақша білмейді екен”.

Жемісбектің сөзін Сәкеннің үрейлі үні бұзды. Не дегенін анық естімеген ол шалғайына оралған інісіне:

– Ей, Сәкен-ау, саған не болды? Жалғыз аяқ жолмен әрек ілбіп келе жатқанда маған тығылғаның не?

Секем алған Саят та сынар соқпақта сыйылыса бірін-бірі итере-мите тере алға ығыса үмтұльсты.

– Ана жерде, қалың қамыстың арасында шошқа жүр. – Сәкеннің байланған тілі енді шешілгендей. – Қараңғыда жәнді көре алмадым. Қабан сияқты, өгіздей екен. Кән-е-е... Аяқтарынды бассандаршы... Куып жүргесін.

– “Қорыққанға қос көрінер” деген. Мен неғып байқамадым, ә... Қабан деп жүргенің, қарауытқан ағаш шығар, – деді Жемісбек байсалды қалпынша.

Жөпелдемеде еллілдеп-желлілдеуді әсте білмейтін Жемісбектің бұқылығы екеуінің де қорқыныштарын сейілтіп жіберген. Ауыздарына тығылған жұддырықтай жүректері де тулат-тулат басылғандай. Ұмыртқаралғылығы қоюланып, қол созымдағы нәрсені ажыратса алмайсың. Әлдеқайдан шаңқылдаған құстың даусы талып естілгендей. Тура дөп басып айту қыын. Мандай тұстан ба, жок әлде... сондарында қалған “Инженер көлі” жақтан ба? Мине, іле-шала және қайталанды. Біртүрлі талмаурап шықкан құс сұңқылы сол жақтағы тұнжырай бұлындаған Нұрпейіс атайдың жаңбыр мен жел әбден мұжіген ескі та-мынан шыққан. Байғыз ба, жапалак па?..

– Сонда Шәкира геолог бұл жерден не тапты екен?

– Ит біліп пе?

– Саят, сен де қызықсың. Саған

айтты ғой Жемісбек. Мұнай бар, мына қалың құм мен Балқаш көлінің астында. Немене, өзін сенбейсің бе?

– Жо-жо-ға! Қайта қуанып келемін. Мол байлықта кенелетін болсак, жан-жаққа бытырап тарап, көшіп кеткен адамдар қайтадан туған ауылға оралар еді. Үлкен зауыт ашылып, қала салынар еді. Бұрынғы түрғындардың бәріне жұмыс табылар еді. Менің Серікбол көкем де әжемді әуреге түсірмей Талдықорғаннан көшіп келер еді.

Саят көкейіндегі күпті сауалдардың күрмеулі түйіндерін өзінше тарқатып шешкендей ракатты сезімге бөлөнген.

Тура “Инженер көлінің” ернеуінен толған Айдың ширегі қылтиып сый-ғалай бастады. Інір-аланда көлге жуынып алғандай Ай жүзі сүттей жарық.

– Әлгілер әлі жок. Осы уақытқа дейін тентіреп, қайда жүр екен, ә? Адасып кетпесе де өздері.

– Апам ғой. Бізді ізделп жатыр, – деді Сәкен сыйырлай.

– Ұрысатын шығар, – деді Саят күмілжікіреп.

– Жемісбек ләм-мим жак ашпады. Ішің күрғыр сезеді-ау!

Әжесінің мына екеуіне де ұрыспайтынын, тіпті бұлардың мәндайынан шертпейтінін де жақсы біледі. Естітін сөзіне, жейтін таяғына алдын ала әзір-ақ. Күбірледі. Мейлі. Айғайлап-айғайлап кояр. Өзіме де керегі осы. Әйттесе, кеш батқаның қалай білмегенбіз?! Мейлі, ертең тенізге балыққа кетемін ғой...

Әжесінің даусы қайта шықты:

– Ау, құлыштарым, келдіңдер ме? Тірісіндер ме?

Бұжолғы апасының жұмсақ үні – зілсіз де мұнсызы.

Кішкентай жүректер тулап коя берді. Өсірсеке, Жемісбек қатты қуанған...

– Әже!

– Ау, құлыштың.

– Мына қылтиған аскабақ па?

– Ұмытып қаппын, о шетке не егіп едік?!

– Не, құлыштың?

– Қиярга суды қанша құйайын?

– Шөлі қанғанша суғара бер, болтам.

– Әже!

– Не, Саятжан?

– Қарбыз да шығыпты. Мінеки, көрініш? Жапырақшалары қандай сүйкімді. Рахила тәтемнің оюындан. Әр түбіне жарты шелектен құйсам жете ме?

– Әбден шөлін қандырып сугар. Алғашқы кезде судан тарылмасын. Еңбегің еш болып, әліп қалмасын.

– Апа, картоп әлі көрінбейді ғой. Өліп қалған жок па?

– Жоқ, құлыштың, өлген жок. Кеш отырғызыдық емес пе. Ерінбей бір-бір шелектен құйып шық. Менің есебім бойынша енді екі-үш күннен соң, жаппай қылтиып шыға келер. Әйттеуір, топырақ қызып кетпей үлгергеніміз қандай жақсы болды.

Күн көтерілмей үй іргесіндегі есқи бақшалықтың орнына еккен көкеністі балтаған Торғын әжесі тізе бүкпейді-ау. Қунделікті кәсібі. Ұялап-ұялап отырғызған тостаған-тостаған шұқырларды шұқылап, айнала-төңрегінің майды топырағын тырмалап, болар-болмас жаңадан көгеріп қылтиған қияр мен қауынның, сәбіз берен сарымсақтың, кәрбиз берен асқабақтың түттерін қосытып дегендей бір тынбайды.

Күніне екі мәрте – ертеңгісін, сонын кешкі салқын түсे құдықтан су тартып суғарады. Сырт қөзге аядай-ақ, үй орнындаған бақшалықтың жұмысы шаш-етектен асады. Саят оны жақсы біледі. Былтыр жаз бойы томпаңдал жүріп істеген жұмыстары бәрі де. Ертеден кешке шейін имиіп тас құдықтан су тартады... Шеміп отырып ап бақшаны бір талдап арам шөптен тазартады... Алғашқы кезде көкенісі қайсы, арам шөбі қайсы жөнді ажыратта алмай қиналатын.

Кебіне жұлып тастағаны түйін байлаган боп шығады. Сол сәттегі Жемісбектің ашууланғанын көрсөн. Бәйекке түсken ол шырмауық пен иір шөптің, тікенек гүл мен собықтың қандай болатынын көрсетіп, бір-біріне шатастырмауды тәтпіштеп үйреткен. Қағілез Саят қазір кез келген көкті сөліне, түсіне қарап-ақ айыратын шамада. Оны қойшы, бәрінен де машақаты – көртөшке түптеу. Гүлдең, шешек ата бастаған әр түпті сағағынан

майыстыра сындырып жібермей, бума-бума қалпында бір-бір кетпен топырақпен бастырып шығу керек. Былайша айтқан кезде оп-оңай сияқты көрінер бұл жұмысты, яғни “картоп түптеуді” ондырмаған. Ебедейсіз сілтеген кетпені құрғыр жап-жасыл желекті жусатып орып түссе, әр түптің шұқып қосытқан топырағын икемдеп үймелуе одан бетер қинағаны бар. Өзін әбден әбігерлекен картоп ұялары сойдақ-сойдақ жарылған тәрелкелердей. Мөлтілдептің құйған суда жарылған іздері ырсып-ырсып шалынады. “Әже, осы картопты түптемей-ак қояйықшы” дегені әлі есінде. Сондағы әжесінің жауабы да ұмытылмайстай құлағының түбінде жанғырады. “Қой, құлыштың! Болмайды ғой. Қәртөшкені түптемесе түйін тастамайды. Сабағы біткен сорайып-сорайып өркектеп кетеді. Түптелмеген қәртөшкенің өнімі де үп-үсак болады, құлыштың. Егер шаршасан, демал. Өзім-ақ реттеп тастаймын...” дегендеге әжесі еш әбіржіген жок. Демек, табиғат тілін жақсы білетін Торғын әжесі барлығы да құнілгеріден бақылап, сезіп жүр.

– Саятжан, бүгін маусымның нешесі, осы?

– Каникулға шықталы өзім де ұмытып қаппын, сегізі ме? Жок, әже, тоғызы ғой деймін...

– Жарайды.

– Әже, қазір тошнасын есімे түсіремін. Біз “Инженер көлінің” соңғы рет қашан барып едік. Жемісбексіз барғанбыз...

Қолындағы шелегін іір-іір атызыдың шетіндегі жүлгеленген топыраққа лактыра салған Саят, жерге шашып койған күрекке іліп қойған ши қалпағының тұтамдай көленкесін сағалай жата кетті. Қалактай көленкөңде құр далбаса. Басынан басқа бүкіл денесі шыжыған күннің астында жатыр.

– Бәсе, Үркердің жерге кіргеніне де оншакты құн болты ғой, – деді әжесі.

Саят ештене үқлады.

– Әже!

– Әу, ботам?

– Үркер дедің ғой жана. Ол не?

– Жұлдыз ғой, құлыштың.

– Әже, жұлдыздар жерге неге түсіп кетпейді, осы?

– Әй, боташым-ай! Алла тағалаңың құдіреті да. Мен оны қайдан білейін.

(Жалғасы бар)